



Guardan cun interess en il nov magazin. Annalisa Giger, da preschent presidenta ad interim da Gastro Grischun. Accompagnada è el la vegnida a Clostra da Danilo Braticin.

FOTOS G. N. STGIER



Er stads a la gronda parti a Clostra en Manuel e Yulia Reichenbach da la Casa Tödi Trun.



Christian ed Ursula Weber dal restaurant Hospezi a Trun eran er da la partida.



Adina ina buna adressa per mangiabains è la Casa Alva a Trin. (da san.) Joe Bearth, Somedia SA, Lucia Monn, l'ospitanta e sia collavuratura Eva Ragetti.



Fin uss adina stads en il magazin grazia a lur buna cuschina en Daniel Truniger ed Inge Graiss dal «Süsswinkel» a Cuira.



Cuntents cun la critica dals experts en er Emma e Markus Beer da l'ustaria Belfort ad Alvagni.

Adina daplis buns restaurants en Surselva

«Graubünden geht aus» è cumpari

DA GION NUTEGN STGIER / ANR

■ **Noss chantun è e resta in paradis per mangiabains. Quai conferman er igls 15 experts che han scrit per la 6ava ediziun dal magazin per gourmets «Graubünden geht aus». En quel cumparan da nov 60 bunas adressas per mangiar bain e da quellas en gist 16 en Surselva.** Il davos magazin «Graubünden geht aus» aveva la chasa editura Gourmedia SA ed il 2013. Il davos onn è betg cumpari quel magazin che vul animar persunas dad ir ordifer a mangiar. Ussa è la pli nova ediziun da quella «bibla» per mangiabains sin maisa. A Clostra en l'hotel da luxus Vereina è il nov magazin vegnì preschentà a la publicitad. Tar la gronda parti da preschentaziun da «GR geht aus» è danovamain stada da la partida ina societad illustra. Prominenza da la gastronomia e numerus envidads han giudì las piculezzas finas da varsaquants cuschiniers da renum da Tavau e vischinanza e lura er da duas cuschiniers sursilvans. Els han confermà che er en quellas regiuns è la gastronomia sin in nivel fitg aut.

Da Sedrun fin Müstair

Il redactor principal *Wolfram Meister* ed ils auters 14 experts han visità bunamain 140 restaurants da Sedrun fin Müstair. A la fin han ils umens e las dunnas cun buccas e nas fins fatg la schelta è tschernì quellas 120 bunas adressas che meritan grazia a la buna cuschina ed al servis gentil da cumparair en l'ediziun 2015/16 da «Graubünden geht aus».

Remarcabel è bain ch'ils mangiabains han scuvert 60 novs restaurants che han fin quest onn anc mai gi l'onur da figurar en quella illustrada per mangiabains cun in total da 172 paginas. In fatg positiv è bain che da quellas 60 novas ustarias sa chattan 16 en Surselva, 14 en l'Engiadina e lura er sis en il Grischun central, cun paucas excepziuns ina regiun che vala betg sco in eldorado per gourmets. Ina excepziun è bain il restaurant Schauenstein a Farschno, cun ina cuschina da classa superiura d'Andreas Caminada. El tutga en vair senn tar in da quels cuschiniers che vegn adurà bunamain sco in star da pop.

In giuven cuschinier

In eldorado per persunas che mangian e baivan gudent bun e bain è anc adina l'Engiadina. Ina terza dals 120 buns restaurants che figureschen en il magazin sa chattan en quella regiun. Ils experts laudan cunzunt ustarias singularas davent da Segl fin Scuol. Savens sa chattan tranter quellas er ils megliers restaurants dals hotels da tshintg stailas da San Murezzan e conturn, dentant er intginas ustarias en la periferia.

La Surselva quella para da s'avanzar adina dapli tar ina regiun per gourmets e quai cunzunt er grazia a las bunas adressas en vitgs pli «pitschens». Els experts en per exempel stads fascinads da la cuschina eccellente da Sven Wassmer, il giuven cuschinier dal restaurant Silver a Val. Sia cuschina fina han els remunerà cun plaz in en la categoria restaurants da trend. Sven Wassmer è in da quels cuschiniers

che ha fatg sias experientschas en la cuschina d'Andreas Caminada.

Gist duas novas ustarias da Trun

Da nov en il magazin en er gist duas buns restaurants da Trun. Suentar che *Manuel Reichenbach* cuschina en la Casa Tödi è quella adressa en il fratemp nagin tip secret pli. Almain ils experts da «Graubünden geht aus» en intgantads da sia cuschina. Stads bagn en els lura er tar *Christian* ed *Ursula Weber* da l'ustaria Hospezi a Trun, che saja da cumparegliar cun il «tschiel da bio». Bunas adressas en Surselva e quai dapi intgins onns mancan lura er betg en il nov magazin. Be per numnar intgins en quai: Casa Alva, Trin, Casa Fausta Capaul Breil, Stiva Veglia, Schnaus ed il Mulania, Laax, nr. 1 tar ils restaurants da vitg. Dus stivas cun in cuschina particulara e da buna qualitat han ils scribents dal magaziun er chattà da nov en Surselva e quai è la Stiva Grischuna a Mustèr e la Stiva Grischuna a Sagogn.

Categoria restaurants	Num dal restaurant
Gourmets:	Schauenstein, Farschno
Bella vista:	La Perla, Le Prese
Cuschina da chasa:	Stiva Vereina, Clostra
Trend:	Siver, Val
Sper las pistas:	Stüvetta Marguns
Talians:	Stüva Cuolm, Arosa
Asiats:	Matsuhisa, San Murezzan
Tradiziun:	Stiva da sember, Waldhaus
Vins exclusivs:	Dal Mulin, San Murezzan
Dals vitgs:	Mulania, Laax
Empernaivels:	Engiadina, Scuol



Maina cun success il restaurant «Gasthaus am Brunnen» a Valendau e cuschina be tratgas finas: **Matthias Althof**. El è en cuschina e sia dunna **Elvira** segna per il servis gentil en quella ustaria dal vitg.